



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 103. Certamen inter Legatos de loco magis honorato

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

§. CIII.

Sæcul. XV.
A. C. 1459.*Certamen inter Legatos de loco
magis honorato.*

Suborta est in hoc Conventu Regum inter & Ducum Oratores de sedendi prærogativa contentio; nec enim Reges Regibus, nec Duces Ducibus cedere locum, sed sibi quisque in confesso primum arrogare verbis nutibusque contendebant. Papa litem compositurus, Decretum edidit, quo declaratum, *per quemvis sive digniorem, sive minus dignum locum, quem toto durante conventu inter eundum, standum, aut sedendum Oratores tenuerint, principalibus Dominis nullum prorsus aut præjudicium fieri, aut prærogativam acquiri.* Nec tamen hoc pacto contententium animi penitus placati, Nec ordo Episcoporum Romanæ Curiae consuetudinem, quæ Notarios Apostolicos inter Episcopos collocabat, æquo ferebat animo. Ex altera vero parte Notarii ex sacratori lege, quæ sine scandalo haud immutari posset, sibi prælationis concessæ jura deberi contendebant. Ast Pius Papa Episcopali eminentiæ deferens, speratis Notariorum querelis decidit, ex quadam corruptela, non autem legitima consuetudine fuisse introductum, quod Notarii Episcopis intermixti sedissent, id-
 P p 4 que

Sæcul. XV. que Papa deinceps fieri prohibuit, & A. C. 1459. hanc in rem die trigesima prima Maji Mantuæ Constitutionem edidit (*), quam totus ferme orbis cum applausu accepit, & ipsi quoque Notarii tandem legem hanc vel inviti receperunt. Præcessit hæc Bulla Decretum de sedendi prærogativa, quod nonnisi die decima quinta Mensis Augusti promulgatum fuit.

§. CIV.

Sessio I. Conventus Mantuani.

Omnibus hisce controversiis tandem ex sententia compositis, prima hujus Conventus Sessio ad diem nonam Septembris indicebatur, ut apparet ex Pii II. literis ad Joannem Carvajalum in Hungaria Legatum pridie datis, in quibus Papa præstitutæ hujus diei rationem exponens, inquit: *adsunt enim ex omnibus ferme Christi fidelium nationibus, & ex tota Italia Oratores, conventurosque ante medium præsentem mensem Mediolani, & Mutinæ Duces speramus; ex Gallia quoque & Anglia, & Britannia solennes Legationes propediem aderunt.*

*Collect. Conc.
P. Labb.
tom. 13.*

§. CV.

(*) *Exstat Bulla tom. 2. Pii II. Constitut.*